



Norsk Gjenvinning AS avd. Knarrevik
Knarrevik Næringspark
5355 Knarrevik

Saksbehandlar, innvalstelefon
Toril Marie Mulen, 5764 3127

Rapport etter tilsyn hos Norsk Gjenvinning AS avd. Knarrevik, Øygarden Kontrollnummer: 2024.111.I.SFVL

Denne rapporten gjeld tilhøve som vart funne på tilsyn 23. april 2024 hos Norsk Gjenvinning AS avd. Knarrevik (organisasjonsnummer: 888 550 852).

Rapporten har følgjande delar:

- Del 1: Resultatet av tilsynet
- Del 2: Statsforvaltaren si vurdering og grunngjeving
- Del 3: Informasjon om tilsynet
- Del 4: Annan informasjon

Del 1: Resultatet av tilsynet

Denne delen gir ei oversikt over resultatet av tilsynet og kva de må gjere innan gitte fristar. Nærare omtale er gitt i del 2.

Statsforvaltaren fann avvik som de må rette snarast

Statsforvaltaren fann følgjande avvik på tilsynet:

- Avvik 1: Verksemda har ikkje forsvarleg lagring av alt EE-avfall

Avvik er manglande etterleving av krav fastsette i eller med heimel i lov.

Norsk Gjenvinning AS avd. Knarrevik må rette opp avvik snarast. De må sende Statsforvaltaren ei skriftleg tilbakemelding som viser korleis avvik er retta innan 1. oktober 2024. Gjennomføring av tiltaka kan bli følgd opp med nytt tilsyn.

Statsforvaltaren gav merknader

Vi har følgjande merknader:

- Merknad 1: Matavfallet er lagra på ein slik måte at det tiltrekker seg fuglar

Merknad er eit tilhøve som vi meiner det er naudsynt å peike på for å ivareta ytre miljø, men som ikkje er manglande etterleving av krav fastsette i eller med heimel i lov.



De må betale gebyr

Norsk Gjenvinning AS avd. Knarrevik må betale eit gebyr på 31 200,- kr for tilsynet.

Vi ber om tilbakemelding på e-post

Vi ber om at de sender all skriftleg tilbakemelding til [svfpost@statsforvalteren.no](mailto:sfvpost@statsforvalteren.no) og merkar e-posten med 2019/3368.

Del 2: Statsforvaltaren si vurdering og grunngjeving

Avvik 1: Verksemda har ikkje forsvarleg lagring av alt EE-avfall

Dette er eit avvik frå følgjande krav gitt i regelverket

- Avfallsforskrifta § 1-22

Om krava

EE-avfall skal behandlast forsvarleg og ved bruk av dei beste tilgjengelege teknikkar. EE-avfall skal lagrast og behandlast på plassar med tett dekke, nødvendig anlegg for oppsamling og reinsing av overvatn, og nødvendig tak eller anna klimavern.

Observasjonar på tilsynet og vår vurdering

Utanfor lager for farleg avfall vart det under kontrollen 23. april 2024 observert at EE-avfall stod ute, utan klimavern. EE-avfall kan vere farleg avfall.

Merknad 1: Matavfall er lagra på ein slik måte at det tiltrekker seg fuglar

Observasjonar på tilsynet og vår vurdering

Under kontrollen var det ein del fuglar som hadde fri tilgang til matavfallet. Vi minner om forbodet mot forsøpling, jf. forureiningslova § 28. Ingen må tømme, late etter seg, oppbevare eller transportere avfall slik at det kan verke skjemma eller vere til skade eller ulempe for miljøet.

Vedtak om gebyr

Statsforvaltaren vedtar at Norsk Gjenvinning AS avd. Knarrevik må betale eit gebyr på 31 200,- kr for tilsynet. Dette svarar til gebyrsats 2 for tilsyn av inntil ein dags varigheit og er gitt på bakgrunn av ressursbruk. Vedtaket er gitt med heimel i forureiningsforskrifta § 39-7.

De vil få tilsendt ein faktura frå Miljødirektoratet for innbetaling til statskassa.

Statsforvaltaren er pålagt å ta gebyr for tilsyn på forureiningsområdet. Gebyret skal dekke kostnader med førebuing, gjennomføring og oppfølging av kontrollen. Vi viser til varsel om gebyr 23. april 2024 og til forureiningsforskrifta kapittel 39 for ytterlegare informasjon om innkrevjing av gebyr til statskassa.

De har rett til å klage

De har rett til å klage på vedtaket. Retten til å klage er gitt i forvaltningslova kap. VI. Ein klage bør grunngjevast skriftleg og skal sendast til Statsforvaltaren seinast tre veker etter at de fekk dette



brevet. Ein eventuell klage vil ikkje få oppsetjande verknad, og gebyret som er fastsett må betalast inn. Dersom klagen vert tatt til følge, vil for mykje innbetalt beløp bli refundert.

Del 3: Informasjon om tilsynet

Gjennomføring av tilsynet

Tilsynet er gjennomført for å kontrollere om gjeldande krav som er fastsette i eller med heimel i forureiningslova, vert haldne. Vår heimel for å føre tilsyn er forureiningslova § 48. Rapporten gir ingen fullstendig tilstandsvurdering av verksemda sitt miljøarbeid eller miljøstatus.

Tilsynet vart gjennomført som ein del av den nasjonale tilsynsaksjonen retta mot anlegg som tek imot og mellomlagrar farleg avfall. Aksjonen er ei oppfølging av tidlegare tilsvarande aksjonar, sist i 2018. Tilsynet er ein del av Statsforvaltaren sitt risikobaserte tilsyn.

Frå Statsforvaltaren deltok:

- Toril Marie Mullen
- Kristin Espeset

Kontaktperson hjå verksemda:

- Geir Nedrebø

Anlegg

Følgjande anlegg vart kontrollerte under tilsynet:

- Norsk Gjenvinning AS avd. Knarrevik - farleg avfall

Tema

Følgjande tema vart kontrollerte:

- mottakskontroll av avfall
- lagring og merking av farleg avfall
- vidarelevering av farleg avfall
- utslepp til vatn
- internkontroll, inkl. risikovurdering og avviksbehandling

Regelverk

Tilsynet omfatta følgjande regelverk:

- forureiningslova
- forureiningsforskrifta
- avfallsforskrifta
- internkontrollforskrifta

Dokumentasjon

Følgjande dokumentasjon vart lagt fram for å verifisere faktiske tilhøve:

- eigenkontrollrapportar
- avfallsdeklarering

Del 4: Annan informasjon

Andre tilhøve

Eventuelle kommentarar til tilstandsrapport for industriområder fase 1, fase 2, utredning av utslepp til vatn og støykartlegging vil kome i eit eige skriv.

De kan kommentere på rapporten

De har høve til å kommentere på faktiske feil i denne rapporten. Eventuelle kommentarar må sendast til Statsforvaltaren innan to veker etter at rapporten er motteken.



Rapporten er offentlig

Denne rapporten vil vere offentlig tilgjengeleg via postjournalen til Statsforvaltaren i Vestland på www.einnsyn.no, i samsvar med offentliglova.

Rapporten vil også vere tilgjengeleg på nettstaden Norske Utslipp, www.norskeutslipp.no.

Med helsing

Åsmund Skancke Karlsnes
overingeniør

Toril M Mulen
seniorrådgjevar

Dokumentet er elektronisk godkjent